

# Beasai niehko- ohppui

**Elle Sofe Henriksen beasai "nállóčalmmi" čađa. Son lea okta golbmasis Norggas gii lea beassan Koreografi mastergrádaohppui, Norgga Dáiddaallaskuvlii, Oslos.**

-Leat hui suohtas go lean beassán sise, dal beasan aivve dušše koreografiain bargat, lohka Guovdageainnu nieida Elle Sofe Henriksen (23). Son lea beassan Oslo dáiddaallaskuvlii, koreografija mastergrádaohppui. Dan ohppui besset dušše golbma studeantta, juohke goalmát jagi.

## Beassá čanastagaid čatnat

Son gii ohca koreografii ohppui, ferte čadahan bachelorgráda dánsemis, dahje sullasaš oahpus. Elle Sofe lea Londonis vázzán dánsadáiddaskuvla, 2003-2006 rádjai, ja dál lea gearggus joatkit guokte norgga beakkán dáiddaallaskuvlas.

-Oslo dáiddaallaskuvllas lea hui alla dássi, dan dihte ohcen dohko, muitala Elle Sofe, ja illuda álgit ohppui.

-Mu mielas lea buorre go skuvllas leat buot dáiddasuorggit bidjon oktii. Seamma skuvllas leat earet eará scenorgafi, dánsen ja regi, ja de oážžut vejolašvuoda oahpánuvvat ja ovttasbargat earáiguin, lohka Elle Sofe movttat.

## Garra sisabeassangeahččaleamit

Go Elle Sofe sáddii ohcama skuvlii, de fertii rámpot iežas, ja vuodustit manne son galggai beassat skuvlii. Son sáddii vel video, mii čájehii su barggu. De bođii diehtu, son lei ovttain login, geat besse boahit jearahallamii, ja čájehit máhttu jury ovddas.

-Mis lei bargobadji gos galgaimet iešgudet kreatiiva bihtáid čájehit jury ovddas. Lassin dasa oáččuimet guokte beaivvi ráhkadit koreografija, ja čállit oanehis čállos gos vuoduštemmet manne dánsen dárbaša teoriija, muitala Elle Sofe, gii čohkkái Oslo girjeráddjosiin ja ozai teoriijaid. Go

ohccit ledje bargan guokte beaivve, de fertejedje vel bealuštit bargustis.

## Sámivuohta

-Go čájehin koreografija jury ovddas, de jearahalle mu hui garasit. Sii jerre manne nu ja manne ná, ja mun jurddašin sii eai liiko mu stiilla, go sápmi lea nu oidnosis mu barggus, muitala Elle Sofe. Muhtto sus lihkkus manai bures, ja moadde vahku manjel oáčču reivve poasttas, mas celke su buresboahdin mastergrádaohppui.

-Poastta lei veahás njoahci, go vurdun ja vurdun, muhto loahpas gal bođii vástádus, lohka Elle Sofe, gii lea vuosttaš sápmelaš gii váldá mastergráda koreografijas.

## Bása Guovdageainnus

Go Elle Sofe geargá skuvllas, de lea oahppan ráhkadit dánsaid, ja movt bagadallat.

-Skuvllas oahppa maid earet eará makkár musihkka, čuovga ja biktasat heivejit makkárge dánsii, čilge Elle Sofe, gii háliida davás čavget go geargá skuvllas.

-Mun háliidan bargat Davvi-Norggas, ja háliidivččen ásahit bása Guovdageidnui. Mun áiggošin hukset proševttaid, go háliidan leat mánggabealálaš, lohka sámi nieida Elle Sofe Henriksen.

## Riddu násttit

Ovdal go skuvlabenkkii čohkkeda, lea Elle Sofes olu maid áiggošii doaimmahit. Son lea ovttas golmain eará dánsáriin ja guvttiin juiigiin álggahan joavkku "Johtu" ja sis leat juo leamašan unnit čájálmamat. Dán geasi sáhttet olbmot, jus háliidit, oaidnit sin Riddu Ridus.

-Mii leat diedihhan iežamet "Riddu Násttit" gilvui. Leat olbmot geat mearridit geat sin gaskkas geat leat



23-jahkásaš Elle Sofe Henriksen lea beassan sise ohppui masa dušše golbma studeantta ain besset hávállassii. Govven Kari Lisbeth Hermansen



Elle Sofe jođiha maid dánsun-/juoiganjoavkku man leat gohčodan "Johtu". Joavkkus leat mielde njeallje dánsára ja vel guoktejuoigi. Govas leat joavkku dánsárat: Elle Sofe Henriksen, Hanne Kjærland Olsen, Hanne Øygaard ja Hanna Reisnes Moen. Sigrid Hernes govven

Johtu joavkkus lei mannan dálvvi unna čájálmás Arctic Winther Games oktavuodas Kanadas. Dá lea Elle Sofe ja nubbi joavkku juiigiin, Inger Biret Gaup. Joavkkus lea vel mielde juoigi Ol Johan Gaup.

Rhonda Kennedy govven

diedihuvvon besset searvat. Boahhte vahku rájes besset olbmot NRK Sámi Radio nuoraidprogramma, IZU, neahttasiidduin jienastit geaid sii háliidit oaidnit Riddu Ridus, čilge Elle Sofe Henriksen.

Sara Victoria Andersen saravictoria@avvir.no

